

大日本史

七十六

第一百八十一卷 將軍列傳
 源賴家 源實朝
 第一百八十二卷 將軍列傳
 藤原賴經 藤原賴嗣
 第一百八十三卷 將軍列傳
 宗尊親王 惟康親王 久
 明親王 守邦親王

內閣文庫	和	書
三九函	〇三	四
六架	五〇	〇號

書
 一〇三四〇
 冊號

內閣文庫	
番號	和 10340
冊數	150(76)
函號	269 22





大日本史卷之一百八十一

列傳第一百八十八

權中納言從三位源光圀

男權中納言從三位綱條



玄孫權中納言從三位治保重校

將軍三

源賴家子僧

源實朝

源賴家小字一萬初稱萬壽東鑑○將軍編



大日本史 卷一百八十一 綱條



年記作賴朝長子也、年甫七歲、習被甲騎馬、

九歲學射、下河邊行平、東鑑既長、趨捷善武藝、

愚管建久六年、從賴朝朝京師、東鑑八年敘從

五位上、為右近衛權少將、九年兼讚岐權介、

公卿正治元年正月、賴朝薨、是月轉左近衛

權中將、公卿補詔總守護地頭、一如賴朝、東鑑

百鍊三月、後藤基清有罪、罷讚岐守護、以近

藤國平代之、四月移問注所於郭外、賴家母

政子、禁賴家不許親聽訟、命北條時政、義時、

大江廣元、三善康信、中原親能、三浦義澄、八

田知家、和田義盛、比企能員、安達盛長、遠元、

梶原景時、藤原行政十三人、事無小大參決、

禁他人徑啓稟、時小笠原長經、比企三郎、和

田朝盛、中野能成、細野四郎、皆以便佞見寵

昵、賴家使梶原景時等下令曰、五人家屬、雖

為橫暴、士庶不得抗捍、違者疏名處罪、且言

五人之外、非有命勿入見、七月遣安達景盛、


討參河賊室平重廣、重廣遁走、初賴家聞景

盛妾美、數贈書挑之、不從、至此伺景盛出、遣能成奪之、居長經家、尋徙北向御所、寵傾一時、唯長經等五人得出入、八月景盛歸、景時讒景盛、以妾故出怨言、賴家召五人、謀誅景盛、府下騷擾、政子遽至景盛父盛長宅、使人謂賴家曰、先君卽世、三幡亦繼沒、而忘哀弄兵、是禍亂之源也、景盛素有契分、先君特加優待、儻所犯有迹、我當親鞫、問定罪名也、今不審虛實、欲妄行誅殺、事若無實、悔之何及、

而猶加之兵、我將先受其矢矣、賴家乃止、政子懼其再生嫌隙、翌日徵景盛誓書、送之賴家、且戒曰、昨日之事、輕躁莫甚焉、凡視汝所爲、倦政事而不恤民隱、耽聲妓而不畏譏議、擯斥忠良、褻愛佞邪、舉動如此、豈得鎮撫海內哉、先君敦睦親屬、波及姻黨、諸源北條、常被眷遇、及汝世、恩禮衰薄、人懷怨恨、汝能存心于此、庶免禍難、賴家不悛、十月諸將連署、愬梶原景時讒邪陷人、景時奔一宮、十二月

小山朝政為播磨守護東鑑二年正月賴家進
 從四位上聽禁色公卿補任東鑑景時作亂將赴京
 師賴家遣三浦義村糟谷有季等誅之景時
 行至駿河為國人所殺五月禁念佛僧禡其
 袈裟焚之有伊勢僧稱念大言曰冠帶緇衣
 各自為用何禡之為且見當今之政佛法世
 法將俱泯矣陸奧新熊野社僧爭院領界齋
 文書及地圖來訟賴家曳筆抹圖中央曰地
 之廣狹聽命之窮泰不須煩使者檢覈也自

後聽決地訟皆準之若不厭心勿敢論諍八
 月佐佐木經高有罪罷阿波淡路土佐守護
 初賴朝令陸奧出羽郡鄉地頭守藤原秀衡
 父子之約束而動輒多爭界者是月申令留
 守所疆場界限一依秀衡所榜先是屢遣使
 陸奧召芝田二郎稱病不至令宮城四郎討
 之芝田敗走東鑑十月遷左衛門督敘從三位
 將軍公卿補任東鑑建仁元年正月城長茂率兵
 入京襲小山朝政於東洞院朝政時從行幸



留守家兵禦之、長茂引退、詣上皇宮、請討賴家、不許、逃匿吉野、二月搜索誅之、既而長茂姪資盛據越後鳥坂舉兵、鄰境震懾、遣佐佐木盛綱討之、五月資盛敗走、東鑑是歲遣里見義直衛京師、帝王編年記○武家補任作大友能直二年五月下令、兄弟爭訟者、不論曲直和協之、東鑑七月累敘從二位、兼征夷大將軍、一代要記東鑑、閏十月申禁諸國守護越職預吏務、違者罷之、三年正月子一幡詣鶴岡社、神憑巫曰、今年鎌倉

當有變、嗣子不得承襲、譬猶岸上之樹根已枯、人不之知而攀其杪也、聞者危懼、五月流叔父僧全成於常陸、尋殺之、又殺其子賴全於京師、八月以三浦義村為土佐守護、是月賴家病劇、政子令賴家割關西三十八國地頭傳弟千幡、關東二十八國地頭天下總守護讓子一幡、處分既定、一幡外祖比企能員使一幡母告賴家曰、今割地頭職傳千幡君、叔姪相竝、似可保無事、然威權兩屬、適足啓

爭端自非滅北條氏除其偏欲嗣君之安其
 可得乎賴家驚愕召能員於寢室密議決焉
 政子知其謀潛報時政誘殺能員能員族人
 擁一幡據小御所政子使義時攻之和田義
 盛畠山重忠以下諸將皆從能員子姪奮死
 拒戰諸將稍却重忠伐而攻之守者不能支
 縱火自殺一幡亦焚死姻黨交友多死亡流
 竄賴家病間聞一幡能員死大恚使堀親家
 持書與和田義盛仁田忠常誅時政義盛陽

為承受示時政時政捕親家殺之忠常為加
 藤景廉所殺賴家既與時政有隙政子以其
 不堪負荷逼使削髮幽于伊豆修禪寺奉千
 幡請命于朝是為實朝○愚管鈔云九月賴
江廣元家又遣人將殺一幡一幡母抱之賴
逃十一月命從兵藤馬者殺之與本書異賴
 家遺政子實朝書請得故左右親狎消遣幽
 鬱且乞得安達景盛而甘心也政子遣三浦
 義村傳言曰所請不可許後勿復通書東明
 年七月時政竊欲使人殺之賴家勁捷不可

近伺其在浴室、飛索縲頸、刺殺之。承久曆間記、

取愚管鈔、年月據東鑑、○愚管鈔載義時殺

一幡事、下文承之云、又殺賴家、則疑義時承

其政意而殺之也、然年二十三、東鑑、帝王編

曆間記為三十三、蓋承東鑑元久元年書年

推而初賴朝替意軍政、駕馭得宜、賴家襲職、

定之、驕恣昏惰、不遵家規、無意於接將佐、釐庶務、

苟適情好、盤樂無度、最好蹴鞠、請後鳥羽上

皇得紀行景為師、日夜在場、雖遇災變、不知

警戒、綱紀頹敗、人心攜離、遂喪其身。東鑑三子

長一幡次僧公曉次千壽丸。尊卑分脈、千壽

○按本書千壽作千手、千手弟有僧禪曉、禪

曉諸書無所見、按東鑑千壽丸為尾張中務

丞所養、中務者疑其乳母夫、而建保元年信

非為之養子也、然今無所考、濃人泉親衡圖挾千壽丸誅義時、黨與稍廣、


使僧安念誂諸將、安念到千葉成胤甘繩宅、

成胤縛送義時、黨與皆被執、事敗、親衡逃亡、

東鑑、挾千壽丸、千壽丸為僧師事僧榮西、愚

據保曆間記、鈔更名榮實、尊卑分脈、明年十一月和田義

盛餘黨在京師、挾榮實謀攻六波羅、大江廣



元家衆聞而襲之於一條旅舍、黨與逃散、榮

實自殺、時年十四、東鑑、年十四、按本書書禪師、百鍊鈔、書

僧、竝不名、帝王編年記曰、禪師童名千手、據此則本書及

門跡譜亦曰、榮實童名千手、壽丸無疑、又按

愚管鈔所謂禪師者、其為千壽丸無疑、又按

尊卑分脈、諸門跡譜、竝以榮實之死為建保

七年十月、僧公曉幼名善哉、東鑑賴家之遭害、公曉年四

歲、承久記政子使實朝子養之、師事僧定曉、更

今名、後遂削髮入園城寺、從明王院僧正公胤受業、補鶴岡別當、東鑑公曉常憤父之廢黜

罹凶害、欲殺實朝、義時以報其讎、參取愚管

記、東鑑既補別當、稱有宿願、祈鶴岡社、限以一

并日、自是蓄髮不肯歸坊舍、遣使祈大神宮

及諸社、人怪之、東鑑實朝之拜右大臣也、行拜

賀禮於鶴岡社、禮畢將下石階、公曉突出斬

之、大呼曰、別當公曉報父讎、時實朝從兵皆

在外、聞變趨之、而暮夜暗黑、不知賊所在、或

告公曉於上宮、自呼己名、衆始知其所為、東鑑

愚管鈔、參取承久記追圍雪下坊舍、而公曉提實朝首、

直往備中阿閣梨舍羞膳之間首猶在手東鑑
三浦義村公曉之乳母夫而子駒若丸公曉
弟子也東鑑承公曉謂義村助已遣使謂曰
今將軍曠位吾當其任子宜為我計畫義村
聞而驚泣給曰宜先入我家將差人奉迎即
告狀義時義時稟政子命使趣殺之於是義
村聚族人議之眾謂公曉勇武絕倫不可輕
圖義村乃選長尾定景定景與壯士五人行
公曉待義村不至乃踰鶴岡赴義村家途遇

定景與定景從兵搏鬪定景從傍斬之送首

義時時年十九東鑑參取愚管鈔年十九據

至義村家夜冒大雪踰鶴岡失步顛墜屋上

主人以為盜撲殺之保曆間記云公曉至義

村家義村殺之又云餓初幕府有怪狀類婦

人捷疾如飛莫能知其蹤跡見者以為鬼物

至此人始知其為公曉云承久

源實朝小字千幡○本書或賴家同母弟也

建仁三年九月賴家廢政子與父時政等定
議請朝廷為主帥東鑑敘從五位下拜征夷大

將軍公卿補任代要記東鑑○愚管十月

加元服時年十二東鑑朝廷賜名實朝愚管遣

武藏守平賀朝雅衛京師○帝王編年記家

人帶西國地頭者皆從之遣使安撫家人在

京畿者諭以效忠貞不懷攜貳徵誓書是月

任右兵衛佐十一月減關東諸國今年租休

息民戶十二月下令士庶訴訟獻狀之後過

三日不加裁斷坐吏緩怠元久元年二月下

令莊園諸務悉遵賴朝舊規東鑑三月任右近

衛少將公卿補任將是月平基度平盛時等

起伊賀伊勢之間塞鈴鹿關遏絕行旅守護

首藤經俊逃亡平賀朝雅擊滅之朝雅補伊

勢守護五月以國司訴令地頭山海漁獵稅


從國衙調發拆鹽戶三分之一給地頭節科

燒米給國司各從土宜不得擾舊規是月徵

賴朝所與諸將手書觀當時制置七月賴家


薨於伊豆家人密謀起兵北條義時遣金窪

行親等盡殺之十月國司領家訴地頭偽稱



勲功之賞、踰制攘奪租賦、下令地頭、諸名田
租入、依本下司所傳領、違者褫職、東鑑二年
正月、遷右近衛權中將、兼加賀介、公卿補六
月、北條時政、譖畠山重忠、遣兵擊殺之、申令
關東諸國、守護檢斷地頭身分、不可踰制多
取、七月、以重忠親黨鄉邑、分與功臣、閏月、先
是實朝在時政家、時政妻牧氏、圖弑實朝、立
堀平賀朝雅、政子遣諸將、取實朝遷義時宅、
時政所聚兵士、皆去從實朝、翌日、幽時政于

北條、命義時代輔軍政、令在京諸將佐佐木
廣綱、後藤基清等、就殺朝雅于京師、是月、以
河野通信、屢有戰功、停伊豫守護、所指揮家
人三十二人、隸之通信、九月、遣藤原季時、衛
京師、藤原據武家補任○帝建永元年正月
王編年記作七月誤下令諸將、在賴朝時授地頭職者、非犯大罪、
不得輒奪、七月、先是朝雅平伊勢之亂、近境
將士不赴徵者、褫地頭職、至此各訴緣由、有
徵驗者、還與、東鑑承元元年正月、敘從四位上、



公卿補任東鑑

三月令武藏地頭墾開草萊

東三年鑑

四月進敘從三位

公卿補任東鑑

十一月國衙訴諸

國守護怠於釐務群盜輒起侵掠莊保議者謂守護專任一人則動引故事反致懈緩宜結番遞年悉心奉職若其不然則檢察諸國改易不忠者議未決乃徵所補任守護下文甄別恩澤勲功之異建曆元年正月敘正三位兼美作權守二年十月分遣使者關東諸國理民冤抑東鑑十二月敘從二位建保元年

二月以修閑院勞敘正二位

公卿補任東鑑增鏡泉親

衡圖誅北條義時事覺逃亡五月和田義盛圖滅北條義時舉兵圍幕府北條義時大江廣元奉實朝避法華堂使北條泰時足利義氏禦之義盛敗死黨與悉平二年夏旱實朝齋戒轉讀法華經既而雨令關東諸國幕府所領租稅自今年秋遞減三分之二十一月殺賴家子僧榮實十二月令諸將冀望官階者其家督考勤勞具狀申請不許庶支徑奉

狀三年二月令諸國關津地頭無礙行旅四月以在京家人警衛多不如法下令申戒爾後當甄別忠否而賞罰之七月定鎌倉商賈員東鑑四年六月任權中納言七月轉兼左近衛中將公卿補任東鑑十二月趣問注所限歲中理士民訟東鑑六年正月遷權大納言公卿補任東鑑平正重潛居白河謀作亂後藤基清擊斬之東鑑二月實朝屢遣使京師請兼左近衛大將廷議遵賴朝故事擬右而以其苦請使藤原道

家辭左近衛大將以實朝兼之參取東鑑愚管鈔公卿補任家臣授官有差東鑑即日遣使敕兼左馬寮御監參取東鑑公卿補任後鳥羽上皇常惡關東權重難制冀其驕泰自斃故每請官階特授崇班多過其望焉承久記初實朝求大將北條義時謂大江廣元曰故幕下每值敘任戰兢辭讓將以延慶於子孫也今將軍齡未至壯榮進甚速加之諸將亦不赴京師坐受品階可謂僭矣僕欲言之自揆蒙昧不能回移君盍言

之、廣元曰、然思之日久、徒疚心耳、故幕下臨事咨詢、今則不然、無由輸誠、將軍身無勲功、獨承緒餘、不止管領諸國、陞中納言、中將、非攝籙之子胤、不能至此、崇班榮爵、懼不免盈溢之殃、請試從容開陳、既而諫曰、延慶子孫有所自來、宜辭他官、單帶征夷將軍、稍及高年、希求大將、實朝不聽、曰、所言誠當、然而源氏正統孤危、極於今日、豈得望子孫之繼承哉、故欲身極崇高、以顯著家聲而已、廣元無

言而退、六月行拜賀禮於鶴岡社、朝廷賜檳榔半部、車二兩、九錫彫弓、裝束隨身、裝移鞍等物、廷臣來會、七月、以北條泰時、山城行村、三浦義村、大江能範、伊賀光宗、為侍所司、東鑑十月拜內大臣、大將如故、十二月轉右大臣、公卿補任、東鑑承久元年正月、設大饗、權大納言藤原忠信、權中納言藤原實氏等、凡有姻好者、皆來鎌倉、增鏡、承久記、官據、公卿補任上皇特賜車服、優寵、行拜賀禮於鶴岡社、廷臣扈從、隨兵一千

騎警衛甚盛、至社之樓門、屏隨兵、獨文章博
 士源仲章持劍從、禮畢、捐廷臣降石階、為姪
 公曉所殺、年二十八、禮畢捐廷臣明日葬于
 勝長壽院側、以公曉持首遁去、以所賜秦公
 氏髮併藏焉、按愚管鈔云、實朝首獲之家
 雪中、然東鑑不載、書以備考
 臣悲傷、披剃者百餘人、東鑑云、愚管鈔初擇
 為七、八十
 拜賀時日、以二十七日戌刻為期、廣元曰、暮
 夜非無虞、宜以白日行儀、仲章曰、故事必用
 昏夜、承久將出、廣元前諫曰、某生平未有淚

下、今日進謁、不覺潜然、是必有由、在昔先將
 軍臨東大寺落慶、衷甲備變、宜倣其故事、仲
 章曰、登大臣大將之重、未聞有衷甲例、實朝
 遂從其言、使公氏梳髮、自拔髮與之、戲曰、以
 是為記念、見庭梅作和歌曰、以傳氏以柰婆、
 奴志柰岐邪妬斗、柰利奴斗毛、能岐婆能宇
 迷余波流遠和須流柰、既至南門、鳩鳴異常、
 下車誤折劍柄、人以為不祥、東鑑實朝無子、義
 時承政子意、與諸將議、奏請左大臣藤原道

家子賴經為主帥

東鑑、愚管抄、保曆間記

實朝資性温

雅承賴朝猜忌之後、從事寬簡、以故將士親

愛

增鏡

然優柔寡斷、不能懾服衆心、參取諸書大意常

好文學、不閑武事、令仲章講史書

東鑑、愚管抄又

撰近侍有才藝者、結番直學問所、令語古昔

之事而聽之、學和歌于藤原定家

東鑑所著有

金槐和歌集

金槐和歌集

又好蹴鞠、嘗召見宋佛

工陳和卿、和卿卻行拜伏曰、昔辭先將軍召

者、以其多斷人命、罪障居多也、將軍權化降

誕、前生為育王山長老、和卿嘗列門弟、今以

夙緣拜謁也、實朝喜焉、先是夢有僧告其前

生、適與和卿所說符、實朝益信之、欲適宋、見

前生之地、命和卿造船、定從行六十餘人、北

條義時、時房等諫、不聽、船既成、試之、由比浦

以船大不能泛而止、實朝少依舅氏、每有所

請、枉意從之、是以義時愈得擅政、威權下移、

禍起蕭牆、身家不保、賴朝之業遂衰矣

東鑑

大日本史卷之一百八十一終

記幼名三虎保曆間記其生年月時皆值寅因名

焉愚管承久元年源實朝薨無嗣北條義時

專兵馬之權不欲立源氏據東鑑太政大

臣公經妻賴朝妹夫中納言藤原能保女也

道家納公經女生賴經尊卑分脈義時以其與賴

朝有葭莩之親與諸將定議遣相模守北條

時房于京師奏請後鳥羽上皇七月迎立賴

經為主帥年甫二歲東鑑參取愚管鈔○按

鎌倉故本紀係北條政子聽政東鑑將軍府

事無小大稟決義時置小侍所以北條重時

補別當八月遣後藤基綱于京師候後鳥羽

上皇病九月前信濃守藤原行光以病辭政

所執事以左衛門尉伊賀光宗代之是月鎌

倉大火三年二月盜燒七條院所居三條殿

遣三善康俊于京師唁之命大江親廣伊賀

光季搜盜東鑑五月後鳥羽上皇徵五畿七道

兵討義時政子遣北條時房北條泰時由東

海道武田信光小笠原長清等由東山道北

條朝時由北陸道三道竝進向京師戰于尾
 張河及宇治勢多官軍大敗遷後鳥羽土御
 門順德三上皇及雅成賴仁二親王廷臣預
 謀者多被殺東鑑承久記八月中宮屬三善康信
 以病辭問注所執事東鑑子民部丞康俊代為
 執事東鑑關東評定傳九月命家臣在京畿者護太
 上法皇所居高陽院貞應二年十月置近習
 番元仁元年三月有蔬生于釜耳祈禳之六
 月北條義時卒政子命泰時時房為執權遣

北條時盛北條時氏于六波羅管京畿西海
 軍事八月式部丞伊賀光宗有罪配流信濃
 弟左衛門尉朝行右衛門尉光重配流鎮西
 民部丞藤原行盛為政所執事東鑑嘉祿元年
 七月政子薨東鑑脫漏關東評定傳置評定眾參預軍
 政大學助教中原師員前駿河守三浦義村
 前隱岐守藤原行村出羽守藤原家長等十
 一人為評定眾槩選廷臣帶儒官及北條氏
 親戚充之關東評定傳十二月賴經加首服東鑑二

年正月任右近衛權少將、敘正五位下、為征
 夷大將軍、東鑑脫漏、公卿補任、是月禁以土田賭博、及
 出舉息過倍、舉錢過米錢、四月以河越重員
 為武藏留守、所總檢校、賊忍寂稱若宮禪師
 公曉、聚徒於白川關、將作亂、結城朝廣、淺利
 知義、擊斬之、八月停準布行銅錢、東鑑脫漏、寬喜
 二年閏正月、以瀧口無衛兵、院宣徵之、令小
 山千葉等族各遣一子入直、三月遣駿河守
 北條重時于六波羅、東鑑、修理權亮北條時氏

罷歸

明月記、東鑑、帝王編年記、○平氏系

三

年二月敘從四位上、

○東鑑

三月轉右近衛

中將、

○公卿補任、右作左

四月敘正四位下、

公卿補任、東鑑、將軍

次執權、下令六波羅、強盜殺害二罪、首謀處斬、

黨與配鎮西、又禁京師諸社祭日、非武臣而
 執兵器、五月下令諸國、守護所斷不得過大
 犯三條、其餘不許專斷、檢非違所糾察、務從
 寬恕、使人民得竭力於稅務、守護地頭被領
 家訴、六波羅召之、至三不應者、註名告鎌倉、

盜竊百錢以下、宜令倍償、百錢以上、逮捕止於其身、勿坐累親族、若其謀叛等、不在此限、

東鑑貞永元年正月兼備後權守、公卿補任二月敘

從三位、公卿補任、東鑑八月北條泰時著式目五十

條、定為標準、東鑑、貞永式目前筑後守藤原資賴辭

鎮西奉行、以子左衛門尉資能為之、東鑑、參取尊卑

分脈九月下令畿內近國及西國、凡地訟、公領

宜依舊聽國司處分、莊園則宜委領家聞奏、

仰朝廷斷決、東鑑天福元年任權中納言、公卿補任

文曆元年十二月陞正三位、辭權中納言、公卿補任

東鑑嘉禎元年正月禁鎌倉僧徒帶兵仗、東鑑

五月前上野介結城朝光為評定眾、尋罷、東鑑

關東評定傳七月下令、凡爭訟所職所帶及地界

者、先使訟者納誓書、所訟無證信者、没入土

田、無土田者受刑不悔、然後聽決、令六波羅、

京師殺傷事涉武士者、宜報檢非違使廳聽

處分、強盜具服、主者本府論決、從者發遣關

東、竄蝦夷、又令大番交代、既有程限、頃者武

士入衛多不以時自今宜使後期者連直二月先是將士差遽人多取行人馬騎之道路愁苦至此下令禁之每驛增置傳馬東鑑十月任陸奧出羽按察使十一月敘從二位公卿補任東鑑二年七月敘正二位公卿補任將軍執權次第前此興福寺僧作亂乃令在京及近國武士率其族警衛京師而族人或不聽宗家命宗家訴之鎌倉於是下令自今大番如有緩急支庶宜奉家督之催促焉東鑑九月前近江守佐佐木

信綱罷評定衆以遠江守北條朝時爲之東鑑關東評定傳十一月任民部卿公卿補任東鑑三年四月以北條資時爲評定衆東鑑評定傳關東曆仁元年正月朝京師東鑑將軍執權次第二月復任權中納言兼右衛門督尋兼檢非違使別當東鑑公卿補任公時有行幸別當職當騎乘護駕賴經以不慣鞍馬不能扈從五代帝王物語三月遷權大納言公卿補任東鑑以左衛門尉海老名忠行不由關東薦引敘爵奏奪其位記東鑑四月以若狹守三浦泰

村出羽守二階堂行義為評定衆

東鑑、關東評定傳

是月辭權大納言

東鑑、公卿補任

六月前加賀守三

善康俊以病罷問注所執事以子民部少丞

康持為執事

東鑑、關東評定傳

京師街陌設篝火置

兵衛十月歸鎌倉延應元年九月先是諸國

地頭令延曆寺僧徒及富商納財者代莅事

至是禁之又禁將士寡婦再醮他夫仍領前

夫地邑及家衆仁治元年三月禁關東家臣

及鎌倉祇候人奢侈務從儉素又禁將士臣

僕私請任朝官九月家臣帶朝官不供王事

者納絹有差二年五月民部少丞大江以康

坐問注失勘當削領邑一所六月先是諸國

民訟分委奉行人聽斷之遇事不能審理者

送鎌倉乞御教書民庶往反遷延日月貧弱

愁苦至是下令以奉書從事又下令六波羅


西海諸社神人權門賓客託事為民蠹害詳

加按訊送致其身先是京師決重囚皆送檢

非違使廳行法至此使六波羅申請輒論決

之十一月墾闢武藏草萊地引多磨河水溉
 之十二月選庶士便弓馬及善文字歌絃蹋
 鞠者各一人直小侍所東鑑三年六月左京權
 大夫北條泰時卒孫左近衛將監經時嗣為
 執權保曆間記關東評定傳寬元元年七月命北條政
 村等百四十六人遞番更直以充不時出遊
 從騎東鑑二年四月傳征夷大將軍於子賴嗣
 明年薙髮東鑑公卿補任法名行智公卿補任四年北條
 經時疾弟時賴代為執權經時尋卒東鑑保曆間記

五代帝語北條朝時子越後守光時有寵于賴
 經以為時賴於義時曾孫也我親其孫也不
 可踰我奸職也潛圖時賴賴經亦預其謀保曆
間記既而事覺時賴與從叔祖政村等議歸賴
 經于京師奉賴嗣如初三浦氏之誅有告道
 家曾昭泰村等以滅北條氏代其職者時賴
 聞之亦不尋究東鑑建長三年賴經又分遣僧
 了行等竊誂將士謀滅北條氏佐佐木氏信
 執送了行等於是賴嗣罷歸京師迎立宗尊



親王為主帥參取東鑑、康元元年八月賴經

薨于京師、年三十九東鑑歷代皇紀帝王編年記、公卿補任將軍執

權次賴經之在職、事權一出北條氏、徒持空

名耳、自幼長於婦人之手、舉措輒牽時日拘

忌、賽神施佛、率無虛月參酌本書大意嘗正月月食、

賴經以其辰宿皆值本命、大惡之、豫命僧隆

辯等禳禳、及期陰雲灑雨、賴經大喜、厚賞隆

辯、其拘忌多此類東鑑

藤原賴嗣、賴經長子也尊卑分脈○將軍執權次第為第二子、按

東鑑云、文曆元年賴經妻分婉而寬元二年

四月、敘從五位上、任右近衛少將、兼征夷大

將軍、時年六歲東鑑歷代皇紀、六歲據東鑑延應元年生之文、及增鏡

武藏守北條經時為執權東鑑八月敘正五位

下東鑑將軍執權次第十月禁四一半目勝諸博戲、特

許武士為雙陸、三年正月兼近江介、五月下

令士庶訴訟、下問注所之後、吏員諉訛不赴

局、及奉行人不親臨鞫問、懸注辭對者處罪、

守護地頭不應六波羅召至三者奪職東鑑四

年三月武藏守北條經時病免職弟左近衛

將監時賴代之

○關東評定傳將軍

六月越

後守北條光時謀除時賴事覺流于伊豆

東鑑

參取保曆間記

前佐渡守後藤基綱前太宰少貳藤

原為佐上總介平秀胤前加賀守三善康持

坐罷評定衆康持罷問注所執事七月歸賴

經于京師八月民部少丞三善康連為問注

所執事

參取東鑑關東評定傳

十一月敘從四位下

東鑑

將軍執權次第

十二月下令守護地頭蔽匿惡少及

博徒者奪職寶治元年四月建後鳥羽帝神

祠于鶴岡

東鑑

六月殺前若狹守三浦泰村及

弟能登守光村

東鑑一代要記保曆間記

十一月禁守護

地頭擅履頃畝橫斂百姓十二月改大番交

替之期為三月令小山長村島津忠時等二

十二人各為一番守衛京師二年五月下令

主從爭訟不論曲直理官不受兄弟爭訟不

得引父母為證七月下令將士質莊園借貸

未償而死仍傳其地妻或子者令妻子附其

半於債主、若文契既載其子之名字者、令債主悉有其地、又禁婦人不依夫命、擅養他人為子、先是定盜竊輕重之科、其輕科使犯民倍償贖物、至此下令、再犯者處重科、東鑑八月、敘從四位上、將軍執權次第十月、禁問注所吏員、廢局務作燕遊、違者除仕籍、東鑑建長元年正月、敘正四位下、六月、轉左近衛中將、將軍執權次第十二月、置引付衆、參決訟獄、北條政村、北條朝直、北條資時、以評定衆兼引付頭、關東評定傳

二年二月、時賴勸賴嗣、講習文學武藝、選師範侍左右、簡俊秀子弟同學、四月、禁夜行、執弓矢、及卑賤者帶刀、又禁家臣無本官、直任兵衛尉、十一月、下令、頃者游手浮浪之民、假名於雙陸、陰為賭博、常陸下總陸奧殊甚、自今局戲、除圍碁之外、一切禁絕、乃命宍戶家周、千葉賴胤等、糾察之、東鑑三年六月、以閑院成、陞從三位、東鑑將軍執權次第四年二月、罷職歸京、師、康元元年九月薨、年十八、參取東鑑將軍執權次第

相率成主幸武民喪革十六年
 越前將三氏
 周千乘
 合後藤
 永元
 長壽
 皇
 大日本史卷之一百八十二終

大日本史卷之一百八十三
 列傳第六百一十
 權中納言從三位源光圀 修
 權中納言從三位綱條 校
 權中納言從三位治保 重校
 將軍五
 宗尊親王
 惟康親王
 久明親王

守邦親王

宗尊親王後嵯峨帝第二子也

五代帝王物語增鏡○歷

代皇紀東鑑為第一傳寬元二年正月為親王

子蓋誤說具皇子紀以母賤不得為儲貳帝意

將百鍊鈔歷代皇紀以母賤不得為儲貳帝意

矜之鏡增建長四年正月加冠上皇宮敘三品

二月北條時賴廢征夷大將軍藤原賴嗣請

迎宗尊鎮鎌倉上皇許之增鏡東鑑三月聽帶劔

百鍊鈔參四月至鎌倉為征夷大將軍一要代

第崇奉頗超舊主增鏡東鑑是月引付增二番為

五番二階堂行盛秋田義景以評定衆兼引

付頭東鑑關東評定傳九月以旱禁鎌倉及諸國沽

酒椎破壺甕十月頒令掠略子女及盜牛馬

至三次罪及妻子放火準強盜殺害刃傷止

捕其身盜竊雖小至兩次抵罪姦人妻者納

錢贖五年十月定薪炭糶糠價及禁強買西

國地頭所收租稅多不依本司之法侵漁百

姓下六波羅禁之六年四月定遣宋船員限

五艘十二月令評定衆大名外禁僕從騎馬
 減從者員東鑑康元元年三月連署北條重時
 罷六波羅北方北條長時罷以北條政村連
 署東鑑關東評定傳四月以北條時茂爲六波羅北
 方六月先是下野陸奥盜賊蠭起劫掠行旅
 至此令二國地頭所在置兵士備竊發稽緩
 縱賊者奪其邑東鑑十一月執權北條時賴罷
 以北條長時攝執權事東鑑關東評定傳正嘉元年
 十二月置廂衆選將士五十餘人更番宿直

幕府以左近衛少將藤原能清侍從藤原雅
 有等朝官六人爲番頭先是以其疑於上皇
 宮警衛遣使京師請之敕許之賜以御書二
 年九月諸國盜賊蠭起流劫郡邑下令諸國
 守護追捕之文應元年正月置早晝番以少
 壯曉詠歌蹴鞠管絃書及弓馬等藝者爲之
 二月延曆寺僧徒謀燒園城寺令六波羅遣
 兵備之十二月以家人入衛京師者課責路
 費百姓嗟怨下令段別出錢三百文五町別

官馱一匹、夫二人充之、弘長元年二月先是
每驛置二馱備急報、而將士到鎌倉者、矯命
擅用、或至發數疋、至此令六波羅、非有變故
不得輒發馬遞、又禁將士役丁夫運私物、復
驛長給日食、令關東諸國神社佛寺薦享不
懈、繕治及時、修橋梁、掃街衢、禁將士屋舍騶
從、踰制、僧徒裹頭往來里巷、念佛僧會集婦
女、棄病夫孤兒及尸骸於路、東鑑三月以訟獄
壅滯、召引付衆督責之、徵評定衆及引付衆

誓書、東鑑、關東評定傳六月三浦義村子僧良賢圖

作亂、執而殺之、東鑑、保曆間記二年六月減引付衆

為三番、關東評定傳三年六月聽講帝範、八月讀

臣軌、九月禁民間用切錢、十一月北條時賴


卒、是歲將朝京師、豫令諸國、每田五町、課二

夫一遞馱、田一段百錢、而以大風年穀不登

輟之、還課錢、東鑑文永元年七月北條長時罷、

八月北條政村攝執權事、北條時宗連署、以

北條時輔為六波羅南方、將軍執權次第、十



月以北條實時安達泰盛為越訴奉行關東評定

傳○越訴奉行二年九月任中務卿敘一品廢置無所考

將軍編執權次第三年三月罷引付眾令問注

所聽斷訟獄參取東鑑關六月僧正良基法

印嚴慧等素親近宗尊竊與其黨謀滅北條

氏宗尊不之知至是事漏參取東鑑增鏡關

記良基奔高野山絕食而死保曆間記關嚴

慧亡命東鑑關東時宗政村送還宗尊于京

師處六波羅北方立其子惟康參取東鑑增

物語上皇遣左少辨藤原經任伺北條氏意知其無他故乃安於是宗尊得徙承明門院土

御門故宮始與上皇及母準三宮相見焉參取

增鏡五代帝王物語宗尊後往右近馬場觀雲詠歌曰

奈保多能牟岐多能能由岐能阿佐保羅計


阿斗奈岐古斗珥宇豆毛留留美波增鏡九年

二月薙髮號行證將軍執權次第○帝王編

覺十一年七月薨年三十三歷代皇紀帝王

權次第○皇胤紹宗尊善和歌增鏡以權大納

運錄為三十二誤宗尊善和歌增鏡以權大納



言藤原為家為師、東鑑所著有瓊玉集十卷、瓊玉

集二子長惟康、次僧真覺為權僧正、皇胤紹

記、代要後束髮還俗、生一女、入後醍醐帝宮、帝

賜之鹽谷高貞、諸門跡譜、參二女長掄子女

王、次瑞子女王、共入後宇多帝宮、鏡增

惟康親王文永三年七月北條時宗等奉襲

父職、敘從四位下、為征夷大將軍、公卿補時

三歲、增鏡、五代帝王物五年三月以北條時

宗為執權、北條政村復連署、帝王編年記、關

執權、四月復置引付眾五番、關東評七年正

月六波羅北方北條時茂卒、帝王編年記、將

十二月詔賜姓源、進從三位、為左近衛中將、

公卿補任、帝王編年八年二月兼尾張守、公卿

記、將軍執權次第九年正月進從二位、公卿

補任、○將軍執權、補任、公卿

次第、帝王編年二月北條時輔叛、遣北條義

宗擊滅之、帝王編年五月連署北

條政村罷、六月以北條義政連署、帝王編年

定傳、將軍建治元年九月斬元使杜世忠等

執權次、將軍建治元年九月斬元使杜世忠等

大日本史 卷一百八十三 列傳 五

於鎌倉下令公私省費、休息民庶、充軍旅之
 須、停京師大番兵、遣在京兵士于鎮西諸國、
 以備元寇、關東評定傳十一月始置九州探題、以
 北條實政為之、備于元兵、帝王編年記○按
 年始置鎮西探題、誤十二月北條時國為六波羅南方、
 帝王編年記、平氏系圖、○將二年正月兼讚
 軍執權次第、為三年十二月、
 岐權守、公卿補任、將十二月六波羅北方北
 條義宗罷、帝王編年記、將三年四月連署北
 條義政罷、十二月以北條時村為六波羅北

方、帝王編年記、關東評定傳弘安二年正月進正
 二位、公卿補任、帝王編年記○四年元兵入
 寇、遇風戰艦悉沒、餘寇上岸、鎮西兵擊殲之、
 參取關東評定、六年四月以北條業時連署、
 帝王編年記、關東評定傳、十月以九州探題
 ○將軍執權次第為二月、
 北條實政為長門警固、帝王編年記七年四月執
 權北條時宗罷、關東評定傳、將六月流六波
 羅南方北條時國於常陸、將軍執權次第七月以北
 條貞時為執權、帝王編年記、關東評定傳十月殺

時國將軍執第十二月以北條兼時為六波羅

南方帝王編年記將八年十一月誅安達泰

盛及子宗景保曆間記帝十年六月拜中納

言兼右近衛大將公卿補任將連署北條業

時罷八月六波羅北方北條時村罷以北條

宣時連署帝王編年記將十月為親王敘二

品公卿補任帝正應元年二月以北條盛房

為六波羅南方北條兼時為北方將軍執二

年九月北條貞時廢惟康還京師及將出倒

昇綱代輿而至時人異之相謂曰將軍流于

京師增鏡九月據居嵯峨十二月薙髮參取

將軍執嘉曆元年十月薨常樂年六十三據

鏡為將軍年三子皆為僧仁澄大僧正天台

座主日光山別當皇胤紹運錄僧官補任○

子增慧僧正增珍大僧正諸門一女適久明

親王皇胤紹運錄一代要記保曆間記○

久明親王後深草帝第六子也正應二年九

月北條貞時廢惟康親王迎久明為鎌倉主

帥增鏡保十月為親王、敘三品、為征夷大將

軍帝王編年記將三年十一月北條時輔子

某、與三浦賴盛叛、誅保曆永仁元年正月、六

波羅北方北條兼時罷、三月以兼時為九州

探題、北條久時為六波羅北方帝王編年記

系平氏七月以北條時家為九州探題帝王編年

記參取平三年四月北條兼時罷帝王編年

氏系圖平三年四月北條兼時罷帝王編年

執權次第為六月、四年三月吉見義春謀起

兵、執而殺之尊卑十一月殺義春子義世、其

黨僧良基處流保曆間記○將軍執權次第

是歲以北條實政復為九州探題、令將士黜

陟便宜從事帝王編年五年五月六波羅南方

北條盛房罷帝王編年六月六波

羅北方北條久時罷帝王編年○將軍執權次第為五

月以北條宗方為之、七月以北條宗宣為六

波羅南方帝王編年十二月任式

部卿、進一品帝王編年正安二年

十一月、六波羅北方北條宗方罷、三年六月

以北條基時代之、八月執權北條貞時罷、北條師時代之、連署北條宣時罷、北條時村代之、帝王編年記、將軍執權次第、九月九州探題北條實政罷、十一月北條政顯代之、帝王編年記、乾元元年正月、六波羅南方北條宗宣罷、七月金澤貞顯代之、將軍執權次第、嘉元二年十月、六波羅北方北條基時罷、十一月以北條時範代之、平氏系圖參取武家補任、三年四月北條宗方殺北條時村、保曆間記、參取、五月執宗方誅之、保曆間記、○帝

王編年記、平氏七月、以北條宗宣連署、德治二年八月、六波羅北方北條時範卒、將軍執權次第、平氏圖、延慶元年七月、北條貞時廢久明、奉久明長子守邦王為主帥、將軍執權次第、久明從佐介谷、尋歸京師、歷代皇紀、嘉曆三年十月、薨、公卿補任、常樂記、年五十三、據將軍執權次第、建治二年、生、及歷代皇紀、二子、曰守邦親王、曰久良親王、皇胤紹運錄、久良嘉曆三年賜姓源、為右近衛中將、敘從三位、元德元年轉左



近衛中將二年為親王子宗明○尊卑分脈

白道不取子仕光明院敘從四位下任侍從後

至從一位權大納言公卿補任

守邦親王久明親王長子也皇胤紹運錄尊

記延慶元年七月北條貞時奉為鎌倉主帥

時七歲將軍執權次第八月為征夷大將軍

歷代皇紀十月為親王歷代敘三品將軍執

後進二品皇胤紹運錄十一月以北條貞房

為六波羅北方將軍執權次第是歲六波羅南

方金澤貞顯罷平氏系圖○將軍執權倉次二

年十一月六波羅北方北條貞房卒○平氏

十二月三年金澤貞顯為六波羅北方將軍執

七月北條時敦為六波羅南方平氏系圖應長元

年九月執權北條師時卒十月以北條熙時

連署正和元年六月連署北條宗宣卒將軍執

次第平氏系圖○將軍執權次第云是三年

十一月六波羅北方金澤貞顯罷參取將軍

平氏系圖四年七月以北條基時為執權金澤貞

顯連署以六波羅南方北條時敦為北方將軍

執權次第北條維貞為六波羅南方將軍執權次第

五年執權北條基時罷以北條高時代之元

應二年五月六波羅北方北條時敦卒元亨

元年十一月以常葉範貞代之將軍執權次第平氏系圖

是歲以北條英時為九州探題武家補任○前任政顯罷

職年正中元年八月六波羅南方北條維

貞罷十一月以金澤貞將為六波羅南方將軍

執權次第○平氏系圖嘉曆元年三月執權北

條高時罷將軍執權次第平氏系圖四月連署金澤貞顯

罷以赤橋守時為執權北條維貞連署二年

九月維貞卒將軍執權次第元德二年閏六月以北

條茂時連署將軍執權次第為七月六波羅南方金澤

貞將罷八月北條時益代之將軍執權次第為七月十


一月六波羅北方常葉範貞罷平氏系圖十二月

北條仲時代之將軍執權次第平氏系圖元弘元年八月

帝謀誅北條氏高時將遣兵犯闕帝潛幸笠

置九月高時大發兵攻陷行在二年三月遷

帝于隱岐三年三月帝幸船上山敕四方討
高時五月官軍圍六波羅時益仲時奉光嚴
院東奔途而自殺新田義貞克鎌倉北條氏



太平記 守邦乃薙髮八月薨年三十二
將

大日本史卷之一百八十三終



